

پہر توو کا ژن ئینانٹ

نفتیسین
زانایٹ خوشتمی
محمد صالح العثیمین-رحمه الله-

وہر کٲیران
عبدالجبار عبدالباسط زاخومی
پیش نشیڑ و گو تارخوین



گريبه ستا ژن ئينانئ
و شينوارين وئ و ئەوا ب دويفرا دهيت وژغيري
قئ
چهندي ژي ژهندهك خالين پيئه گريداي

وهرگيران
عبدالجبارة زاخوي



ناشئ نا ميلكئ : گريبهستا ژن ئينانئ و شينوارين وئ و ئەوا ب
دويفرا دهيت وژغيري شئ چهندي ژي ژ هندهك خالين پيشه گريداي

ساللا چاپكرنئ : ١٤٤١ ك _ ٢٠٢٠ ز

ژمارا سپاردن :



پيشهكى

بسم الله الرحمن الرحيم

إن الحمد لله نحمده ونستعينه ونستغفره ونعوذ بالله من شرور أنفسنا ومن سيئات أعمالنا من يهده الله فلا مضل له ومن يضلل فلا هادي له وأشهد أن لا إله إلا الله وحده لا شريك له وأشهد أن محمداً عبده ورسوله.

﴿يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ ۖ وَلَا تَمُوتُنَّ إِلَّا وَأَنتُمْ مُسْلِمُونَ﴾ [سورة ال عمران ١٠٢]

﴿يَأَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً ۗ وَاتَّقُوا اللَّهَ الَّذِي تَسَاءَلُونَ بِهِ ۖ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا﴾ [سورة النساء ١]

﴿يَأَيُّهَا الَّذِينَ ءَامَنُوا اتَّقُوا اللَّهَ وَقُولُوا قَوْلًا سَدِيدًا ﴿٧٠﴾ يُصْلِحْ لَكُمْ أَعْمَالَكُمْ وَيَغْفِرْ

لَكُمْ ذُنُوبَكُمْ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا﴾ [سورة الاحزاب ١٧٠-١٧١]

أما بعد: فان أصدق الحديث كتاب الله ، واحسن الهدي هدي محمد صلى الله عليه وآله وصحبه وسلم ، وشر الأمور محدثاتها، وكل محدثة بدعة وكل بدعة ضلالة وكل ضلالة في النار (١) .



نوكه ئەز دئ چمه دناف كاكلكا موحازرئ دا، و بابەتئ محازرا من ژى
ئەقەيه:

«عقد النكاح واثاره وما يترتب عليه وغير ذلك من بعض ما يتعلق به/
گرېبهستا ژن ئينانې و شينوارپن وئ و ئەوا ب دويفرا دهيت وژغەيرى
قئ چەندئ ژى ژ ھندەك خالپن پيڤه گرېداى.»

ومن ئەف بابەتە ھەلبژارت ژبەر گرنگيا وئ وژبەر نەزانينا گەلەك ژ
خەلكى ب گەلەك ئەحكامپن وئ، وژبەر ئەوا پيڤه گرېداى ژ ئارپشپن
جفاكى، ئەو ئارپشپن كۆ ھيڤيا ھەر دلسوزەكى نەصيحەتکەرە بۆ دپنئ
خۆ وئوممەتا خۆ كۆ چارەيا وئ بساناھى بپخت، چنكۆ ھندى ئارپشەنە
ئەگەر مروشف دەرگەھئ وئ قوتا ومروشى تيشك دا سەر؛ چارەيا وئ
دئ يا بساناھى بيت، وئەگەر خەلكى ژبپرا خۆ بر و چاڤپن خۆ لئ گرتن،
دئ مپنپت وەكى خۆ يان ژى دئ زپدەتر لئ ھپت ئارپشەپپن وئ.

ومن پئ دانای و گرېداپى ب قئ بابەتى ئە دەھ ناڤبر:

- ناڤبرا ئپكى:- دەربارەپى رامانا نپكاحئ دزمانى وشەرپعەتى دا
- ناڤبرا دووئ:- دەربارەپى حوكمئ نپكاحئ (ژنئپنانئ).
- ناڤبرا سپئ:- دەربارەپى مەرچپن نپكاحئ (ژنئپنانئ).
- ناڤبرا چارئ:- دەربارەپى سالوخەتپن وئ ئافرەتئ ئەوا پپدقى يە بخازى.
- ناڤبرا پپنجئ:- دەربارەپى ئەوان ژنان پپن كۆ بۆ مروشى ھەرامن خاستنا وان.
- ناڤبرا شەشئ:- دەربارەپى ھژمارا ھلال د ژنئپنانئ دا.
- ناڤبرا ھەفتئ:- دەربارەپى ھپكمەتپن ژنئپنانئ.



- **ناقبرا ههشتن:** - دهربارهى ئەوان شينوارېن لديف ژنئينانې دا دهين.

۱- واجبوونا مهري

۲- مهزاختن (نهفهقه)

۳- پېفهگرېدانا دنافهرا زهلامى وژنكا وى ونافهرا ئەهليين وان دا.

۴- (المُحَرَمِيَّة) مهحرم

۵- ميرات

- **ناقبرا نههئ:** - دهربارهى بهردانا ژنې وكا مروف دئ چاقدېرييا چه كهت تېدا.

- **ناقبرا دههئ:** - دهربارهى وئ چهندئ ئەوا لدويف بهردانئ دا دهيت.

تېبينيا وهرگېرى :- (۲)

۲- وهرگېر:

لدهسپېكا فئ محازرئ پېشهكیهكا درېژ شېخى گوت بوو قېجا من نه دهينانن ژبهه دا بابته درېژ نهبيت.

وبؤ زانين ئەو نقيسينا دناف دوو كهوانا دا (....) بيت ئەو من بو پتر روهنكرنئ ين داناي.

وئەوا من نقيسا بيت (وهرگېر) ئەوژى ههه ژنك منه.

عبدالجار عبدالباسط _ ۳ \ رمضان \ ۱۴۴۱



ناقبراً ئىككى

دهربارهى رامانا نيكاحى دزمانى و شهريعهتى دا

نيكاح د زمانى دا :

دهيت برامانا : [گرېكا دانهشويى و ژن خازيى] ، ودهيت برامانا: [چوونا
نقىنا ژنى]...

ورامانا نيكاحى دشهريعهتيدا :

"تعاقد بين رجل وامرأة يقصد به استمتاع كل منهما بالآخر، وتكوين أسرة صالحة
ومجتمع سليم"

رامان :

" پهيمان بهستنهكه دنافبهرا زهلامى و ژنى دايه، مهرهم ژى ئەوه خوشى
پېبرنا هر ئىك ژوان بيىدى، وپىكئينانا خيزانهكا باش و كومهلگههكا
ساخلم "

و لقيرى ئەم وهردگرين :

كو مهرهم ژنيكاحى نه بتننى ئەوه خوشى پېبرنا ب ئىك و دوويه، بهلى
دگهل فى چهنديى يا مهرهم ژى رامانهكا دى يه ئەو ژى :
[پىكئينانا خيزانهكا باش و كومهلگههكا ساخلم].

بهلى پا چىدبىت هندهك جاران ئىك ژ مهرهمان بسهر ئىكا دى دا بكهفيت،
ئەو ژى ژبهه هندهك گرنگيىن دهسنيشانكرى كو لدويىف حالى وى كهسى.



ناقبرا دووى

دهر بارهى حوكمى نيكاحى (ژنئنانى)

ژنئنان لدويف خو بخو ئه و يا دروسته، بهلى دهيتته دوپاتكرن (مؤكد) بو وى كهسى دلى وى بچيتى و شيان لسهر ههبيتن (ئانكو شيانين چونا نئينى).

و ئه و سوننه ته كه ژ سوننه تين پيغه مبه ران . عليهم الصلاة والسلام .، خودى

ته عالا ديبثيت : ﴿ وَلَقَدْ أَرْسَلْنَا رُسُلًا مِّن قَبْلِكَ وَجَعَلْنَا لَهُم أَزْوَاجًا وَذُرِّيَّةً ﴾ سورة الرعد

رامان :

"ئهى پيغه مبه ر ب راستى مه بهرى ته هنده ك پيغه مبه ر هنارتينه ومه ژن و دوينده ه ژى يين داينه وان".

و پيغه مبه رى ﷺ ژى ژن يين ئينانين و ديبثيت : « إِنِّي أَتْرُوجُ النِّسَاءَ، فَمِنْ رَغْبٍ

عَنْ سُنَّتِي فَلَيْسَ مِنِّي »

رامان :

" وئەز ژنا دخازم، قیجا هەر كهسه كى پشتا خو دا سوننه تا من ئه و نه ژ منه".

و ژبه ر قى چه ندى زانا ديبژن :

" ژنئنان دگهل دل چونى (الشهوة)؛ چيتره ژ عباده تين سوننه ت، ژبه ر وان خي ر وباشي يين زور و وان شينوارين جوان؛ ئه و يين كو ب ژن خاستنى ب



دهست مروقى مه دهين، كو هندهك ژ وان پاشى نم دى بهسكهين . ان شاء الله "

و ژنئنان د هندهك دهماندا واجب دبیت، ههروهكو نهگه شههوهتا زهلامى يا بهيز بېت، و ژنهفسا خو دترسیت بكهفیته دهرامیى دا نهگه ژنى نهئینیت؛ لقیړى واجب دبیت لسهر وى نهو ژنى بینیت بو دهمهنا پاقژییا نهفسا خو وریگرتنا وى ژ هرامیى، و پیغهمبهه ﷺ دبیزیت : " يا معشر الشباب من استطاع منكم الباءة فليتزوج ؛ فإنه اغض للبصر وأحصن للفرج، ومن لم يستطع فعليه بالصوم ؛ فإنه له وجاء "

رامان :

" نهى گهلى گهنجان، هه كهسهكى ژ وه شییانیڼ ژنئنانى هه بېت بلا بخو بینیت، ب ژن خاستنى چاف گرتیتر دبن ودهمهنا پاراستیتر دبن، وهه كهسهكى شییان نهبن بلا روژییا بگریت، روژى دى وى پاریزیت "



ناقبرا سینئ

دهرباره‌ی مهرجین نیکاحئ (ژئینانئ)

ژجانی و باشییا ریڅخستنا ئیسلامئ و هویری و په‌یتیا وئ د شہریعه‌تکرنا نه‌حکامان دا ئه‌وه :

کو بو هر گریبه‌سته‌کئ مهرجین داناین، ب وان مہرجان ئه‌و گریبه‌سته دهیته زہبتکرن، و ب وان مہرجان بکیرہاتنئین بجه ئینانئ و بہرده‌وامی دانئ دهینہ دەسنیشانکرن تئدا، قئجا هر گریبه‌سته‌ک ژ گریبه‌ستان مہرجیت خو یین ہین، ئه‌و گریبه‌سته تہمام نابیت ئیلاا دقئیت ئه‌و مہرجہ تئدا ہہبن.

وئف چہندا ہنئ بہلگہ‌کئ ئاشکہرایہ لسہر موکمیا شہریعه‌تی وبنہجہیا وئ، و ئف شہریعه‌تہ یئ ہاتی ژنک وی خودایئ کاربنہجہئ شارہزا (**الحکیم الخبیر**) کو دزانیت کا چ بکیر خہلکی دهیت، و وی تشتی بو وان دکہتہ شہریعه‌ت یا دینئ وان و دونییا یا وان پئ بسہروہر دبیت، حتا کو وولئ نہہیت کار و شول بنہ شیلویئلی (**فوضی**) کو چ سنور بو نہبن.

و ئیک ژ ناف وان گریبه‌ستان؛ گریبه‌ستا ژئینانئ یہ.

قئجا گریبه‌ستا ژئینانئ وئ چہند مہرجہک یین ہین ئہم دئ ہندہک ژ وان بہحسکہین، **و یین ژ ہہمیان گرنکتر ئہقنہ :**

۱- **رازیبوونا ہہردوو ژن و میړان :**

قئجا ناچبیت خورتیلکرن زہلامی لسہر وئ ژئینانئ یا وی نہقئیت، و ناچبیت خورتیلکرن ژنئ لسہر وئ شیکرنئ یا وی نہقئیت،



خودى تهعالا دىيژيت : ﴿ يَتَايَهَا الَّذِينَ ءَامَنُوا لَآ يَحِلُّ لَكُمْ أَن تَرِثُوا النِّسَاءَ كَرِهًا ﴾

سورة لنساء

پامان :

"ئەى گەلى ئەوېن وە باوەرى ئينانېن، بۆ وە نه يا حەلالە ھوېن ژن بابېن خۆ بکەنە پشکەک ژ وى ميراتى يى کۆ بابېن وە لېشت خۆ ڤە ھېلاېن، ڤېجا ھوېن وان بتهعداى ل خۆ مەھر بکەن، يان ژى نەھېلن ئەو شوى بکەن"

و پېغەمبەرى ﷺ گوت : « لَآ تُنْكَحُ الْأَيِّمُ حَتَّى تُسْتَأْمَرَ، وَلَا تُنْكَحُ الْبِكْرُ حَتَّى تُسْتَأْذَنَ . قَالَوا : يَا رَسُولَ اللَّهِ، وَكَيْفَ إِذْنُهَا ؟ قَالَ : " أَنْ تَسْكَتَ " . »

(رواه البخاري وغيره).

پامان :

" ژنکا بېژن ناھېتە خاستن ھەتا داخاز ژى بەھېتەکرن (ئانکۆ دڤېت بصەرىحى بدلې وى بېت)، وکچ ژى ناھېتە خاستن ھەتا رۇخسەتې ژى وەردگرن، گوتن: ئەى پېغەمبەرى خودى، و رۇخسەت خاستنا وى يا چاوايە ؟ گوت: کۆ ئەوہ بېدەنگ بېت."

ڤېجا پېغەمبەرى ﷺ نەھېکر ژ دانەشيا ژنکې بېى رازىبوونا وى، ڤېجا وەکۆ ئېکە چ کچ بېت يان ژى بېژن بېت، ئېللا ھندى ژنکا بېژنە دڤېت ئەو باخڤيت کۆ رازىبە، وئەمما ھندى کچە ھەما بېدەنگىيا وى بەسە، چنکۆ چېدبېت ئەو شەرم بکەت ب ئاشکەراى رازىبوونا خۆ ديار بکەت.

وئەگەر نە بدلې وى بېت شوېکرن؛ ناچېبېت بۆ چ کەسې خۆ ئەگەر بابى وى ژى بېت؛ ئەوې ب خورتى بدەتە شوى،

ژبەر گوتنا پېغەمبەرى ﷺ : « وَالْبِكْرُ يَسْتَأْذِنُهَا أَبُوْهَا » [رواه مسلم].



رامان: " وکچ ژى بابى وى دى روخستا وى وهگرين "

و دقى حالهتى دا چ گوننهھ لسهر بابى نينه نهگهر وى نهدهت شوى؛ چنکو کچ بخو بو رېگر شوينهکته، بهلى پا يا لسهر بابى وى نهوه نهو پارېزگارييا کچا خو بکته و بپارېزيت.

و نهگهر دوو کس هاتن خازگينيېن وى، و کچى گوت: من نهفه دقيت، و سهميانې وى گوت: شوى ب يىدى بکه، دقيت سهميانې وى بدهته وى کسى يى کو کچى دقيت نهگهر نهو کوړ ههژى کچا وى بيت، نهما نهگهر نهو کوړ نه ههفکويى کچا وى بيت؛ بو سهميانې وى يى ههى نهوى نهدهته وى کسى، و دقى حالهتى دا چ گوننهھ لسهر سهميانې وى نينه.

۲- سهميان :

قيجا نهيا دروسته و چينابيت مههرکنا کچى بى سهميانې وى بيت، ژهر گوتنا پېغهمبهرى ﷺ: « لا نکاح إلا بولي ».

قيجا نهگهر ئافرهتى بخو خودا شوى؛ نهو نيکاحه يا باطله، قيجا وهکو ئيکه چ نهوى بخو دهست بگرېبهستى کربيت يان ژى ئيک بو بيته وهکيل. و سهميان ژى نهوه: نهو زهلامى بالغى عاقلې نهى سهفيه بيت ژ نيژيکين وى يين ژ بابى فه دگهنى، وهکو باب، و باپير ژ لايى بابى فه، و کوړ، وکورې کورې، ونهگهر بچيت خارتر ژى، وبراى وى يى دهیک و بابى، وبراى وى يى بابى، ومامى وى يى دهیک و بابى، ومامى وى ژ لايى بابى فه، و کوړين وان يين نيژيک بو يى نيژيک .



و بو برايېن كچى يېن ژ لايى دهيكى شه چ سهميانى نينه (ئانكو تهگر نهى دهيك و بابى بيت) و بو كورپن وان ژى نينه، و بو بابى دهيكى ژى نينه، و بو خالان ژى نينه، چنكو نه وى يېن ژ لايى بابى شه نه.

و مادم دقيت ئيلا د ژن خاستنى دا سهميان ههبيت، قيجا يا واجبه لسهر سهميانى كچى نه وى ب ههلبزيريت يى ههفكويفى وى بيت قيجا كا كى پتر چيتره، شه تهگر نه وى هاتين خازگينيى وى ژ ئيكى پترين، بهلى تهگر نه وى هاتى وى بخازيت ئيك بتنى بيت، و نه ههفكويفى وى يه و نه وى رازييه، يا لسهر سهميانى وى؛ وى بدت شوى.

ولقيرى نه دى پيچهكى راوهستين دا نه بزائين نه و بهرپرساتيا چندا مهزنه نه و كو سهميان ههلدگريت ليدف نه وان كهسپن خودى تهعالا نه و كريبه سهميان لسهر وان، قيجا نه و ئيمانته كه لدهف وى شه؛ واجبه لسهر وى نه و چاقديريا وى بكهت وبدانته جهى وى، و بو وى نه يا ههلاله نه وى كچى لدهف خو ههلدگريت بو مهبهستين خو يېن كهسايهتى، يان وى بدته كهسهكى كو نه ههفكويفى وى بيت ژ بهر پيخه مهت تهماعيهكى دى هيتته دان بو وى، نهف چندا ههنى ژ خيانهتى يه، و خودى تهعالا دبزيرت :

﴿ يَا أَيُّهَا الَّذِينَ ءَامَنُوا لَا تَخُونُوا اللَّهَ وَالرَّسُولَ وَتَخُونُوا أَمْنَتِكُمْ وَأَنْتُمْ تَعْلَمُونَ ﴾ سورة الأنفال

رامان :

"نهى گهلى نه وىن وه باوهرى ئيناي، و كار ب شريعهتى وى كرى، هوين خيانهتى ل خودى و پيغه مبهرى وى نه كهن، وهوين خيانهتى د وى ئيمانتهتى ژى دا نه كهن يى كو خودى كريبه د دهستى وه دا، وهوين دزانن كو نه وى ئيمانته و دقيت بيته پاراستن."



و خودئ تهعالا دبیژیت : ﴿ إِنَّ اللَّهَ لَا يُحِبُّ كُلَّ خَوَّانٍ ﴾ سورة الحج

رامان :

" هندی خودئ یه ههش ژ ههر ئیکئ خیانهتئ دئیمانتهتئ دا بکهت وقهنجیا وی فهشیژیت؛ ناکهت "

و پیغه‌مبه‌ری ﷺ گوت : « کلکم راع ، وکلکم مسؤل عن رعیتہ ».

رامان :

" ههر ئیک ژ وه شفانه، و ههر ئیک ژ وه به‌رپرسیاره ژ شفانیا خو "

تو دئ بینی هندهک ژ خه‌لکی کهسه‌کئ هه‌فکویفئ کچا وی دئ هیئت کچا وی خازیت؛ به‌لئ باب نادهتئ؛ دئ وی زفرینیت، و دئ ئیکه دی هیئت ههر دئ زفرینیت، و ئیکه دی دئ زفرینیت، وه‌هر کهسه‌کئ بقی ره‌نگی بیت؛ سه‌میانیا وی دئ که‌شیت ونامینیت و غه‌یری وی ژسه‌میانین وئ کا کی نیژکتره؛ دئ وئ ده‌ته شوی .



ناقبرا چارې

دهربارهى سالوخهتېن وى ئافرهتې كۆ ئهوا پېتقى يه بخازى

مهره م ژ ژنئينانې ئهوه خوشيپېرنا هر ئېك ژوان ب يى ديه، وپېكئينا خيزانهكا باش و كومهلگههكا ساخلم، ههروهكۆ دئهقا بورى دا مه گوتى.

ولسهر فى چهندا ههنى كۆ ئهوا ئافرهتا پېتقى يه بهيته خاستن ئهوه يا ئهف ههردوو مهبهسته تېدا بجه ب هيت وتهمام بيت، ئهوا ئهوه ئهوا سالوخهتېن وى هاتيهكرن بجانياتيا حسى ويا معنوى.

قېجا جانياتيا حسى ئهوه :

تھماميا چېكرنا وى، چنكۆ هندی ديمهنى وى يى جانتر بيت، و ئاخفتنېن وى يېن شرين بن؛ چاف دى بسهكرنا وى تھنابيت، وگوھ ژى دى گوهداريا ئاخفتنېن وى يېن خوش كهت، قېجا دل دى بو شهبيت، وسينگ دى پى شاد وبهرفره بيت، ونهفس دى پى ئارام بيت، وئف گوتنا خودى

تھعالا دى تېدا بجه هيت : ﴿ وَمَنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا

وَجَعَلَ بَيْنَكُمْ مَوَدَّةً وَرَحْمَةً ۗ سوره الروم ﴿۲۱﴾

رامان : " و ئېك ژ نيشانېن مهزنى وشيانا خودى يه كۆ وى هر ژ نفشى وه ب خو -گهلى زهلامان- ژن بو وه ئافراندىن؛ دا دلېن وه لنك وان رحهت وئارام بېن، و وى قيان ودلوقانى كره دناشهرا وه دا"



و جانباتيا مهنهوى نهوه:

تھامبيا دينې وى يه، ويا رهوشتي وى، فيجا هندي نافرته يا ديندار تربيت و رهوشتي وى يي تھامتربيت؛ دي يا خوشتفتر بيت بو نهفسى، و دووماھيكا وى دي يا ساخلم تربيت.

فيجا نهو نافرته خودان دين نهو پتر يا راوهستيايتره لسهر فرمانين خودي، وپتر پاريزگاريي لسهر مافين زهلامى خو ژى دكته، ولسهر جهى وى، وبعيكيي وى، ومالى وى، ودي بيته هاريكار لگهل زهلامى خو لسهر گوهداريكرنا خودي تهعالا، نهگهر زهلامى وى ژبيركر؛ نهو دي لبيري ئينيت، ونهگهر زهلامى وى سستبوو بو كرنا عيبادهتى؛ نهو دي وى چالاک كته، ونهگهر زهلامى وى عاجز بوو نهو دي وى رازى كته.

و نهو نافرته ب رهوشت بيت؛ خو شرين دكته لبر زهلامى خو، وريزي لي دگريت، و ژ تشتهكى گيرو نابيت كو زهلامى وى هس هندي دكته نهو بكته، و بنك تشتهكى ژى فه ناچيت كو زهلامى وى هس هندي دكته ونهوه نهكته.

و پسار ژ پيغهمبهرى ﷺ هاتهكرن، كيش ژن ژ همميان چيتره؟
پيغهمبهرى ﷺ گوت :

« **الَّتِي تَسْرُهُ إِذَا نَظَرَ، وَتُطِيعُهُ إِذَا أَمَرَ، وَلَا تُخَالِفُهُ فِي نَفْسِهَا وَمَالِهَا بِمَا يَكْرَهُ** ».

رامان :

" نهو ژنه نهوا كهيفا زهلامى وى دهيت دهمى وى دينيت، وگوهداريا زهلامى خو دكته نهگهر زهلامى فرمانهك ليكر، و پيچهوانهيا زهلامى خو ناكته د نهفس و مالى خودا ب وى تشتي وى نهقيت"



قال: « الْأُمَمَ ».

رامان:

" ھوین وئ ژنې بخازن یا خوشتقى ئەوا ھەش زەلامى خۆ دکەت وئەوا گەلەک بچیکا دبیت؛ ئەز دئ فەخرى بەم ب وە لسەر سەرانسەرى پېغەمبەران ژبەر گەلەک دويف کەتیین من، یان گوت لسەر سەرانسەرى ئومەتان"

قېجا ئەگەر دشیاندا بیت بەدەستفەئینانا ژنەکى خۆ تېدا بجه هات بیت جانیاتیا بسەرڤه، وجانیاتیا ژناقدا، ئەها ئەڤهیه کامل بوون وخوشیبرن وکەیفخوشی ب تەوفیقا خودى تەعالا.



ناقبرا پېنجى

دەربارەى ئەوان ژنان يېن كۆ بۆ مروقى حەرامن خاستنا وان

پېغەمبەرى ﷺ دېئىت :

« إن الله فرض فرائض فلا تضيعوها، وحد حدودا فلا تعتدوها ».

رامان :

" خودى تەعالا فەرز يېت فەرزكەين قىجا ھوين بەرزە نەكەن، وتوخيىب ژى يېت دانايىن قىجا ھوين پى لى نە دانن "

و ژناف وان كوما توخيىپ شەرى يېن كۆ خودى دانايىن؛ توخيىپن ژنئىنانى نە؛ يېن ھەلال و يېن ھەرام، ژبەر كۆ خودى تەعالا يى ھەرام كرى لسەر زەلامى لىخۆ مەھركرنا چەند ژنئىن دەستنىشان كرى، قىجا چە ھەرامىيا وئ ژبەر چىنكۆ ئەو ژنە يىزىكەكا وى يە يان ژى ژبەر شىرمىژتنى يە يان ژبەر خىزمايىپ يان ژى غەيرى قى چەندى.

و ئەو ژنئىن لسەر مروقى مەھركرنا وان ھەرام؛ دووبەشن؛ بەشەك ھەرامن ب بەردەوامى و ھەر ھەر .
و بەشەك ھەرامن ھەتا دەمەكى.



[۱]- ئەو ژنېن حەرام بېەردەوامى وھەر وھەر :

يا ئيکى : - ئەو ژنېن حەرام ب مروقاتىي :

ئەو ژنېن حەرام ب مروقاتىي لسەر زەلامى؛ حەفتن، خودى تەعالا ب گۆتتا

خۆ د سورەتا . النساء . دا بەحسنى وان دکەت : ﴿ حُرِّمَتْ عَلَيْكُمْ أُمَّهَاتُكُمْ

وَبَنَاتُكُمْ وَأَخْوَاتُكُمْ وَعَمَّاتُكُمْ وَخَالَاتُكُمْ وَبَنَاتُ الْأَخِ وَبَنَاتُ الْأُخْتِ ﴾ سورة النساء

رامان :

"خودى تەعالا مەھرکنا دەيکىن وە، و و کچىن وە و خوشکىن وە و مەتىن وە و خالەتىن وە و برازاينىن وە و خارزاينىن وە لسەر وە حەرامکريه"

۱- دەیک :

دچىتە دبن قى خالى قە؛ دەيکىن وە، وپيرىن وە قىجا وەکو ئيکە چ ژ لايى بابى قە بيت يان ژى ژ لايى دەيکى قە بيت .

۲- و کچ :

دچىتە دبن قى خالى قە؛ کچىن وە، وکچىن کورپىن وە و کچىن کچىن وە، وئەگەر هيش بچىتە خارى ژى.

۳- و خوشک :

دچىتە دبن قى خالى قە؛ خوشکىن دەيبابى، و خوشکىن ژ لايى بابى قە، و خوشکىن ژ لايى دەيکى قە.

۴- و مەت :

دچىتە دبن قى خالى قە؛ مەتىن زەلامى، و مەتىن بابى وى، و مەتىن باپيرىن وى، و مەتىن دەيکا وى، و مەتىن پيرىن وى.



۵- **وخالەت** : دچیتە دبن قى خالى قە؛ خالەتین زهلامى، وخالەتین بابى وى،
وخالەتین باپیرین وى، وخالەتین دەیکا وى، وخالەتین پیرین وى.

۶- **وکچین برای(برازا)** :

دچیتە دبن قى خالى قە: وکچین برای دەیبابى، وکچین برای ژ لایى بابى،
وکچین برای ژ لایى دەیکى، وکچین کورین وان، وکچین کچین وان، ونهگەر
هیش بچیتە خار.

۷- **وکچین خوشكى (خارزا)** :

دچیتە دبن قى خالى قە؛ کچین خوشکا دەیبابى، وکچین خوشكى ژ لایى بابى
قە، وکچین خوشكى ژ لایى دەیکى قە، وکچین کورین وان و کچین کچین
وان، ونهگەر هیش بچیتە خار.

يا دووی : ئەو ژنېن حەرام دبن ب شیرمیژتنى [ئەقە ژى حوکمى وى وهکو یا ب مروقانىى لسەر زهلامى حەرام]

پېغەمبەرى ﷺ گوت : « **يَحْرُمُ مِنَ الرَّضَاعِ مَا يَحْرُمُ مِنَ النَّسَبِ** » .

پامان :

" ئەوا ب شیرمیژتنى حەرام دبیت؛ وهکو وى یە ئەوا ب مروقانىى حەرام
دبیت"

بەلى پا ئەو شیرمیژتنا کو پى کچ و کور لسەر ئیک حەرام دبن؛



• چند مهرجهک يئن ههين، ژ وان مهرجان:

۱- کو دقيت پينج جارا شيرميژتبيت و پتر (۳) :

نهگه هاتو بچيكي چارجارا ژي شيرميژتبيت؛ نهو ژنک نابيته دهیکا وى، ژبه ر وى نهوا موسلم شه دگوهيژيت ژ کيسى عايشائى - رضي الله عنها- گوت :

"كَانَ فِيمَا أَنْزَلَ مِنَ الْقُرْآنِ عَشْرُ رَضَعَاتٍ مَعْلُومَاتٍ، يُحَرِّمْنَ، ثُمَّ نُسِخْنَ بِخَمْسِ مَعْلُومَاتٍ، فَتُوفِّي رَسُولُ اللَّهِ صَلَّى اللَّهُ عَلَيْهِ وَسَلَّمَ، وَهُنَّ فِيمَا يُقْرَأُ مِنَ الْقُرْآنِ".

رامان :

" لدهسپيكن يا هاتييه خار د قورئانې دا دهه جارا شيرميژتن؛ پڅ حهرامى بنهجه دبیت، بهلې پاشى نهف حوكمه هاته نهسخرن وړابى؛ حهرامى ب پينج شيرميژتنا بنهجه دبیت، قيجا پيغه مبهه ﷺ مر وهيش نهو دهاته خاندن ژ قورئانې" (۴) .

۳- وهرگير: وهه ر جارهك ژى دقيت پڅ تيړبيت، نهفهژى مهرجى سين يه وهكو زانا دبيژن.

۴- وهرگير:

دهمى گوتى:

" قيجا پيغه مبهه ﷺ مر وهيش نهو دهاته خاندن ژ قورئانې"

ئانكو هيش نهگه هشتبوو گهلهك ژ خهلكى كو ئايهتا لسهر پينج شيرميژتنا نهو ژى خاندنا وى بتنى يڻ نهسخ بووى قيجا خهلكى نه دزانين يا نهسخ بووى قيجا هيش دخاندن..

خاندن هات نهسخرن بهلې حوكمى وى ما، ههروهكو نهوهوى رهحما خودى لسهر بيت د پهرتووكا خو يا "المنهاج شرح صحيح مسلم بن حجاج" دبيژيت:

نهسخ سى جورن:

ئيك: نهوه نهوا حوكمى وى و خاندنا وى نهسخ بووى، وهكو دهه شيرميژتنا.

دوو: نهوه نهوا خاندنا وى نهسخ بووى بهلې حوكمى وى يڻ ماى، وهكو پينج شيرميژتنا...

سى: نهوه نهوا حوكمى وى نهسخ بووى بهلې خاندن يا ماى، ونهفهيا يا ژ وان جورين دى پتر..."



۴- ودقيت شيرميژتننا وئ بچيكي ژبهري ژيې شيرقهكرنې بيت (ئه و ژئ دوو سالن) :

ئانكو مهرجه كو ئه و پېنج شيرميژتننه ههمي ژبهري دوو ساليې بن، ئه گهر هاتو پشته دوو ساليې بن يان هندهك ژبهري وئ بن وهندهك ژئ پشته وئ بن؛ ئه و ژنك نابيته دهيك وئ.

ئه گهر مهرجيېن شيرميژتننې تهمام بوون د بچيكهكي دا، ئه و بچيكي دئ بيته بچيكي وئ ژنكي، و بچيكيېن وئ ژنكي يېن دئ ژئ دئ بنه خوشك و برايېن قئ بچيكي، قئجا وهكو ئيكيه ئه قان بچيكان ژبهري وئ بچيكي شيرئ دهيك خو خار بن يان ژئ پشته وئ (ئانكو ههر دئ بنه خوشك و برايېن وئ)، و كچ و كوړيېن خودانې شيرئ ژئ كو زهلامئ وئ ژنكي يه ئه و ژئ ههمي دئ بنه خوشك و برايېن وئ، قئجا وهكو ئيكيه چ ئه و كچ و كوره بچيكيېن وئ ژنكي بن يا شيردايېن يان ژئ بچيكيېن ژنكهكا دئ بن (ئانكو بچيكيېن هه ويا وئ بن، ههر دئ بنه خوشك و برايېن وئ بچيكي).

و لفيړئ يا واجبه ئه م بزانيېن كو هندی نيژيكيېن قئ بچيكي نه ئه وئ شيرخواري - دوينه دهها وئ تيېنه بيت - ئه وان نيژيكا چ پهيوهندی بشئ شيرميژتننې قئ نينه و تهئسير ژئ ب قئ شيرميژتننې ل وان نابيت () ، قئجا يا دروسته بو برايېن قئ بچيكي يې مروفينيېن ئه و بو خو دهيك وئ يا شيرئ يان ژئ خوشكا وئ يا شيرئ بخازيت.

۵- وهريگر : ئانكو ئه و بتنئ دئ بيته كورئ وئ مالا دئ، ئه ماما خوشك و برايېن وئ چ عهلاقت ب وئ مالى قئ نينه.



ئەمما دوينهدهھا قى بچىكى ئەو ژى دى بنه بچىكىن وى ژنكى ئەوا شير دايبه وى، و دى بنه بچىكىن وى زهلامى ئەوى خودانى شيرى، ھەروەكو كا چاوا بابى وان يى شيرى يە.

سى : ئەو ژنېن ھەرام دېن ب خزمانىيى :

۱- ژنكىن باب وباپىرا :

وئەگەر بچىت سەردا ژى، قىجا وەكو ئىكە چە ژ لايى بابى قەبن يان ژى ژلايى دەيىكى قەبن، ژبەر گوتنا خودى تەعالا : ﴿ وَلَا تَنْكِحُوا مَا نَكَحَ آبَاؤُكُمْ مِّن

النِّسَاءِ ﴿۲۲﴾ سورة النساء

رامان :

" ھووين وان ژنان ل خو مەھر نەكەن يىن بايىن ھو ئەو مەھر كرىن "

قىجا ھەر گاقەكا زهلامى گرېبەست گرېدا لسەر ژنكەكى؛ ئەو ژن ھەرام بوو لسەر كورپىن وى، و كورپىن كورپىن وى، كورپىن كچپىن وى، وئەگەر ھىش ژى بچىتە خوارى، قىجا وەكو ئىكە ئەو زهلام چوو بىتە نقىنا وى ژنكى يان ژى نەچووبىت ھەر ئەو ھەرام بوون لسەر وى.

۲- ژنكىن كورپىن وى :

وئەگەر ھىش ژى بچىتە خوار،

ژبەر گوتنا خودى تەعالا : ﴿ وَحَلَائِلُ أَبْنَائِكُمُ الَّذِينَ مِنْ أَصْلَابِكُمْ ﴾

سورة النساء



رامان :

" هەر وهسا خودئ لسەر وه حهرامکریبه کۆ هوین بیکیئن خو لحو مههر بکهن"

قیجا هەر گاقهکا زهلامی گریبه‌ست گریدا لسەر ژنکهکئ؛ ئه و ژن حهرام بوو لسەر بابئ وی، وبایرین وی، وئه‌گەر بچیته سهردا ژئ، قیجا وهکو ئیکه چه ژ لایئ بابئ قهبن یان ژئ ژلایئ دهیکئ قهبن، چنکو بهس گریبه‌ست گریدا، خو ئه‌گەر نه‌چیته نفینا وئ ژئ.

قیجا چوو بیته نفینا وئ ژنکئ یان ژئ نه‌چوو بیت ههر ئه و حهرام بوو.

۳- دهیکا ژنئ (خهسی) و پیرین وئ : وئه‌گەر بچیته سهردا ژئ، ژهر گوتنا

خودئ ته‌عالا : ﴿وَأَمَّهَتْ نِسَائِكُمْ﴾ سورة النساء

رامان :

" وخودئ ته‌عالا خهسیئن وه ژئ لسەر وه یئ حهرام کری"

قیجا هەر گاقهکا زهلامی گریبه‌ست گریدا لسەر ژنکهکئ؛ دهیکا وئ ژنئ و پیرین وئ حهرام بوون لسەر وی زهلامی ههما ب گریبه‌ستی، ئه‌گەر خو نه‌چیته نفینا وئ ژئ، قیجا وهکو ئیکه چه پیرین وئ یئن ژلایئ بابئ قهبن یان ژئ یئن ژلایئ دهیکئ قهبن.

۴- کچین ژنکا مروفی، و کچین کورین وئ، وکچین کچین وئ، وئه‌گەر هیئش بچیته خوار ژئ، ئه‌فه ژئ به‌حسی نه‌فسییانه و چه‌قین ژئ دچن.



بهلې ب وى مهرجى؛ ئەو زهلام چوو بيته لنك دهىكا وى، قىجا ئەگەر ژىكفه بوون چىبوو ژبهرى بچيته نك دهىكا وى، ل وى دەمى نهفسى و چهقىن وى ژى حەرام نابن، ژبهر گوتنا خودى تهعالا:

﴿وَرَبِّبِكُمُ اللَّاتِي فِي حُجُورِكُم مِّن نِّسَائِكُمُ اللَّاتِي دَخَلْتُم بِهِنَّ فَإِن لَّمْ تَكُونُوا دَخَلْتُم

بِهِنَّ فَلَا جُنَاحَ عَلَيْكُم ۗ﴾ سورة النساء

پامان :

"و نهفسيين وه ژى حەرامن لسەر وه؛ ئەويين د مالين وه دا هاتينه ب خودانكرن، و ئەويين نه دمالين وه ژى دا هاتينه ب خودانكرن، بهلې ب وى شەرتى هوين چووبنه نك دهيكين وان، و ئەگەر هوين نهچووبنه نك دهيكين وان و وه ئەو بهردابن، يان مەربن، هينگى بو وه دورسته هوين وان مەهر بكن"

قىجا ئەگەر زهلامى بو خو ژنكهك خاست و چو نقينا وى، ل وى دەمى كچين وى ژنكى، و كچين كورين وى، و كچين كچين وى، و ئەگەر هيش بچيته خارى ژى، مەهر كرنا وان هەميا لسەر زهلامى حەرامن، قىجا وهكو ئيكه ئەو نهفسييه يين زهلامهكى ژبهرى وى بن يان ژى يين زهلامهكى بشتى وى بن.

ئەمما ئەگەر ژىكفه بوون دناقبەرا وى ژنى و زهلامى دا چىبوو بەرى زهلام بچيته نقينا وى؛ ل وى دەمى نهفسى و چهقىن وى ژى حەرام نابن لسەر وى زهلامى.



[۲]- ئەو ژنېن حەرام خەتا دەمەكى :

ئەو ژى چەند جورن، ژ وان :

۱- خوشكا ژنكا زەلّامى و مەتا وئ و خالەتا وئ :

ئەف ژنكە لسەر زەلّامى دحەرامن خەتا زەلّام وئەو ژنكە ژيىكفە دبن فيجا چە ژيىكفە بوونا ب مرنى بيت (ئانكوۆ ژنك ب مريت)، يان ژى ژيىكفە بوونا بساخى بيت (بوۆ نموونە زەلّام وئ بەردەت)، وعيدديين^(۶) وئ خلاس ببن (ل وى دەمى دروستە زەلّام خوشكا وئ يان مەتا وئ يان ژى خالەتا وئ بخۆ بينيت).

ژبەر گوتنا خودى تەعالا : ﴿وَأَنْ تَجْمَعُوا بَيْنَ الْأُخْتَيْنِ إِلَّا مَا قَدْ سَلَفَ﴾ ^{سورة النساء} ۲۳

رامان : " و لسەر وہ حەرامە هوين دوو خویشکين ئيىك پيىكفە لنک خۆ کۆم بکەن، ئەو تى نەبييت يا ل دەمى جاھليەتى بۆرى وچووى "

و گوتنا پيىغەمبەرى ﷺ : « لا يجمع بين المرأة وعمتها، ولا بين المرأة وخالتها » [متفق عليه].

رامان :

" هوين ژنكەكى و مەتا وئ لنک خۆ کوم نەكەن، و ژنكەكى و خالەتا وئ "

۶- وەرگير:

زانا ديژن:

[العدة] عيىدە د زمانى عەرەبيى دا ژ عەدەد يى ھاتىيە وەرگرتن، ئانكوۆ: ھژمار.

و د شەريەتى دا ئەو:

ئەو دەمەيە يى كۆ ژن دھژمييريت ژ رۆژان دا خۆ تيدا بگريت و شوى نەكەت پشتى نەمانا وئ دگەل ميړى وئ، چە ژ بەر مرنا وى بيت، يان ژى ژبەر بەردانى بيت.



۲- وئو ژنکا د عیددین زهلامهکې دی دا بیت :

ئانکو ئهگەر هاتو ژنکهک د عیددین زهلامهکې دی دابیت؛ ل وی دهمی بو
فی زهلامی ناچیبیت وئ بو خو بینیت هتا دهمی عیددین وئ بدووماهیک
دهیت، وهروهکو ناچیبیت وئ بخازیت ژی هتا عیددین وئ بدووماهیک
دهین.

۳- ئهو ئافرهتا د ئیچرامین هجی یان ژی عومری دابیت :

چینابیت گرېبهستا مههرکنا وئ هتا ژ ئیچرامین خو خلاس دبیت.
وهندهک ریکین دی ژی یین ههین پچ ژن لسهر زهلامی هرام دبیت مه
لسهر نه ئاخفت ژ ترسین دریژ بوونا بابته دی دا.

ئهمما هیز :

هندی ناخازیت کو هرام بوونا مههرکنا وئ، قیجا یا دروسته بوخو بخازیت،
بهلی ئهگەر دهیزی دا بیت چینابیت زهلام بچيته نفینا وئ هتا پاقر دبیت
وسهری خو دشوت.



ناقبراً شهشې

دهربارهى هژمارا حلال د ژنئنانې دا

. نهگەر بهردانا سهرې ههفسارى د دهستې كهسهكى دا با ژبو ژنئنانې لدويف هژمارهكا كو وى بقيت؛ نهف چهنده دا شولهك بيت بهرې خودانې خو دهته شيلوبيليې (**الفوضى**) وزورداريې، ونه بوونا شيانا ب رابوونا مافين وان ژنان.

. و ههروهسا ژى شهبرينا زهلامى لسهر ئيك ژنې بتنې ژى؛ دا بهرې خودانى دهته نهباشيې.

. وبكارئنانا شههوتهې بريكهكا دى ژى يا ههرامه :

ژبهر قى چهندي خودې تهعالا و پيغهمبهرى وى ﷺ يا دروستكرى بو خهلكى نهو ژ ژنهكى پتر بو خو بينن ههتا چار ژنان، چنكو نهو هژماره نهوه نهوا زهلام پى دشيت عهدهالتهى بكهت و بجه بينيت، ورابيت ب مافين ژنې، و دا پيتقييا زهلامى بقهتييت نهگەر نهو پيتقى ژ ژنهكى پتر بوو، خودې تهعالا

ديبژيت : ﴿ **فَأَنكِحُوا مَا طَابَ لَكُمْ مِنَ النِّسَاءِ مَثْنَى وَثُلَاثَ وَرُبْعَ فَإِن خِفْتُمْ أَلَّا تَعْدِلُوا فَوَاحِدَةً** ﴾ سورة نساء

رامان :

"هوين بخو مههر بكهن ژ ژنان: دووان يان سييان يان چاران، ژ خو نهگەر هوين ترسيان عهدهالتهى د ناقبرهرا وان دا نهكهن؛ هوين ب ئيكى ب تنى

رازي بن"



ولسەر دەمى پيغەمبەرى ﷺ غەيلان الثقفى موسلمان بوو و وى دەھ ژن
هەبوون، قىجا پيغەمبەرى ﷺ ئەمرى وى كر ئەو چار ژنان بتنى بو خۆ
هەلبىرئيت، وئەقىن دى ژى بەردەت.

و قەيسى كۆرى حارسى دىئيت :

ئەز موسلمان بووم من هەشت ژن هەبوون، قىجا ئەز هاتمە دەف
پيغەمبەرى ﷺ ، ئەف چەندە من بو وى بەحسکر ، پيغەمبەرى ﷺ گوت :
چار ژ وان بەهلبىرئە .

مفايىن حەلالىيا فرە ژنيى (تەعدودى) بو قى سنورى

۱- كۆ د ھندەك دەمان دا . **تَعَدُّد** / **فرە ژنى** . يا زەرورپيە ، وەكۆ :

ژنكا كەسەكى يا مەزن بووى يان ژى يا نەخوش بووى، ئەگەر ئەف زەلامە
خۆ بەيلىتە ب قى ژنى بتنى قە؛ دەھمەن پاكى بو وى ژ وى بتنى چىنابىت،
و دگەل قى چەندى ژى ئەقى ژنى چەند بجىك ژى يىن ھەين، وئەگەر ئەف
زەلامە خۆ ب ھيلىتە ب قى ژنى بتنى قە؛ دى ترسپىت ژ نەفسا خۆ كۆ ب
وى زەحمەتا ئەو دى بينىت ب ئەگەرى ھندى چنكۆ چ ژنيى دى وى بخۆ
نەئىنان، يان ژى بەلكۆ ژ ترسپىت كەفتنا د زنايى دا، وئەگەر قى ژنى بەردەت
ژى ئەقە وى جوداھى كر دنافبەرا وى ژنى وبجىكىن وى دا، قىجا ئەف
ئاريشەيە نارابىت و چارەسەر نابىت؛ ئىللا ب . **تَعَدُّد** . ئى / كۆ ب فرە ژنيى . .



۲- هندی ژنئینانه ئەگەرەکه بۆ پېئەگرېدان و پەيوەندییا دناڤبەرا خەلکی دا،
وخودی تەعالا ئەو یی ئیناتییه بەرامبەر مروقاتیی (**النسب**)، خودی تەعالا

دییژیت : ﴿ **وَهُوَ الَّذِي خَلَقَ مِنَ الْمَاءِ بَشَرًا فَجَعَلَهُ نَسَبًا وَصِهْرًا** ٥٤ ﴾ **سورة الفرقان**

رامان :

" و هەر خودی تەعالا یە یی ژ ئاڤا زەلامی وژنی دووندەها مروۆفی چیکری،
ڤیجا ژ قی چەندی مروۆفاینی و خزماینی چیبوو"

ڤیجا **تَعَدُّدًا** ژنان پیکڤهگرېدانې دکەتە دناڤبەرا گەلەک خیزانان دا، وەندەکان
ژ خەلکی دگەهینیت ەندەکین دی، وئەف چەندا هەنی ئیک ژ وان ئەگەرەنە
یین کۆ پېغەمبەر ﷺ پالدايي بۆ هندی بۆ خۆ ھژمارەکا ژنان بینیت.

۲- ویا بدیف قی شولی دا دەھیت پاراستنا ھژمارەکا مەزنە ژ ئاڤرەتان،
وپیڤابوونا ب پیتڤیین وان ژ نەفەقی (ئەوہ یاکۆ زەلام ل ژنکا خۆ د
مەزیت) ، و خانى، و دویندەھى، ومشە بوونا زارویان، وئەف چەندە
کارەکی داخازکرییە..

۴- ەندەک ژ زەلامان یین ەین کۆ شەھوہتا وان یا تیژ وڤژوارە، ئیک ژن
بتنی تیڤا وی ناکەت، و ئەو کەسەکی تقوایی پاڤرە، و ژ کەفتنا د زنايي دا
دترسیت، بەلی پا ئەوی دڤیت پیدڤییا خۆ د خوشی برنا ەلالی دا بڤە
بینیت، ڤیجا ژ رحما خودی یە ب چیکرییان کۆ بۆ وان یی دروستکری ئەوان
ژ ژنەکی پتر ەبن لسەر رویەکی ساخەم.



نافبرا هفتى

دهر بارهى حكيمه تېن ژنئينانې

ژبهرى ئەم دەست ب ئاخفتنې بكهين ب تايبه تى د قى بابته تى دا، يا واجبه لسهر مه ئەم بزانيں بزانيںهكا يهقيني كو هندی ئەحكامېن شهريعه تينه ههميا حكيمه تېن خو يېن ههين وههمى يېن لجهت خو نه، وچ تشتى بى مفا و كيم بها د شهريعه تى مه دا نينه، ئەف چهنده ژى ههمى يا ههى؛ ژبهر چنكو ئەو ژ دهف وى خودايى شهيه ئەو خودايى شارهزايى كار بنهجه.

بهلى پا ئەرى ما حكيمهت ههمى بو مه چيكرىيان دزانانه (مه علمومن) ؟ هندی مروشن يېن توخيىب داينه دزانينا خو دا، و دهرزېن خو دا، و عقلى خو دا، نه يا دشيان دايه ههمى تشتى بزانيں، وههمى تشتى تيىبگههن، خودى تهعالا ديىژيت : ﴿ وَيَسْأَلُونَكَ عَنِ الرُّوحِ قُلِ الرُّوحُ مِنْ أَمْرِ رَبِّي وَمَا أُوتِيتُمْ مِنَ الْعِلْمِ إِلَّا

قَلِيلًا ﴿ ٨٥ ﴾ سورة الإسراء

رامان :

" ئەى پيغه مبهر . ئەو كافر ه يېن پسيارا رحى ژ ته دكهن، تو بيىژه وان: هندی راستيا رحى وسهروبهرى وى يه ژ وان كارانه يېن خودى ب تنى پى دزانيت، وتشتهكى كيم تى نهبيت ژ زانيى من بو وه وههمى مروشان يى داىي "

قيجا ژبهر قى چهندى هندی ئەحكامېن شهريعه تينه ئەوين خودى تهعالا بو عهبدىن خو كرينه شهريعهت؛ يا واجبه لسهر مه ئەم پى رازى بين، قيجا



وهكو ئيکه نهه حیکمهتا وى بزاینين يان ژى نهزاینين، چنکو نهگهر مه حیکمهتا وى نهزانی؛ رامانا شى چهندي نه نهوه كو وى دراستين دا چه حیکمهت نينن، بهلى رامانا وى نهوه كو تهخسیری يى د عقلی مه دا، و تهخسیری يى د تيگههشتنا مهدايه بو زاینينا وى حیکمهتى.

• ژ وان حیکمهتین د ژنئینانې دا

۱- پاراستنا ههر ئیک ژن و میړان و سهخیریکرنا وان:
پیغمبر ﷺ دپیژیت :

" يا معشر الشباب من استطاع منكم الباءة فليتزوج ؛ فإنه أغض للبصر وأحصن للفرج "

رامان :

" نهی گهلی گهنجان، ههر كهسهكى ژ وه شیانین ژنئینانې ههبيت بلا بخو بینیت، ب ژن خاستنې چاف گرتیتر دبن ودههمه پاراستیتر دبن "

۲- پاراستنا کومهلگهه ژ شهري و ژ خاف بوونا رهوشتان، نهگهر نه ژنئینان با دا بهلا و موسیبهت بهلاقه بن دناف زهلام و ئافرهتان دا.

۳- خوشیپیبرنا ههر ئیک ژن و میړان ب ئیک و دوو؛ ب وى چهندي يا كو واجب لسهر وان ژ ماف ولگهل ئیک کارکرنې، شيجا زهلام ژنې بخودان دکهت، وړادبیت بنهفهقهيا وى ژ خارنې و شهخارنې و خانى و جلکى؛ بباشى ودروستى.



و پېغەمبەرى ﷺ گوت : « ولهن عليكم رزقهن، وكسوتهن بالمعروف » .

رامان :

" مافى ژنى يە لسەر وه ئەى گەلى زەلامان دانا خارنى وشەخارنى و كرنا
جلكى لېەر وان؛ بباشى ودروستى "

وژن ژى ھەر وەسا زەلامى خودان دكەت بېپراپوونا ب وى تشتى واجب
لسەر ژنى ئەو پى راببىت د مال قە ژ چاقدېرى كرنى بگرە و سەر و بەركرنى.

و پېغەمبەرى ﷺ گوت : « المرأة راعية في بيت زوجها ومسئولة عن رعيتها » .

رامان :

" ژن ژى يا شقانه د مالا زەلامى خو دا و بەرپرسىارە ژ وان مافىن دستويى
ويدا و دېن دەستى وى قە."

۴- موكم كرنا پېكقە گرېدانى يە دنافبەرا خېزانا و ئويچاخاندا، ئەرى چەند
خېزان ھەبوونە دژېك دووېر بوون، چ كەس ژ وان يېدى ناس نەدكر، بەلى
ب ژئىنانى نېزىكبوون و پېقەگرېدان دنافبەرا واندا يا چېبووى، ئەھا ژبەر قى
چەندا ھەنى خودى تەعالا خزمانى يا ئىنايىە بەرامبەر مروقاينى ھەر وەكو
پېشتر مە بەحسكرى.

۵- مانا جورى مروقاىەتېينى لسەر رويەكى ساخلەم، چنكو ھندى ژئىنانە
ئەگەرەكە بو دويندەھى كو ئەوا مانا مروقى ب وى يە، خودى تەعالا

دېئېزىت : ﴿ يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَجِدَةٍ وَّخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا



رامان : " ئهى گهلى مروشان ژ خودى بترسن وفهرمانين وى ب جه بينن، ژ بهر كو خودى يه هوين ژ نهفسهكا ب تنى كو ئادهمه . عليه السلام . چيكرين، وجوتى وى كو ههوايه ژى چيكريه، و وى ژ وان هر دووان گهلهك زهلام و ژن ل عهردى بهلافكرينه"

فيجا ئهگهر نه ب ئهگهرى ژنئينانې با يه **ئيك ژ دوو** تستان دا لازم بيت :

۱. يان نه مانا مروشان.
۲. يان ژى هه بوونا هندهك مروشان كو ژ زنايى هاتبان، و نه دهاته زانين كا بنياتى وان چييه، و رانه دبوون لسهر رهوشتى.

و من پى خوشه ئهز ژ شى بابته پيچهكى بچم بو حوكمى سنورداركرنا دوويندهى (**تحديد النسل**):

ئهز دبيتزم: توخيكرن و سنورداركرنا دوويندهى ب هژمارهكا دهسنيشانكرى دژى وى يه ئهوا ژ مه دهيتته داخاكرن ژ لايى خودى تهعالا وپيغهمبهرى وى شه ﷺ، چنكو پيغهمبهرى ﷺ ئهمر يى ل مه كرى بخازتنا وى ژنى ئهوا گهلهك بچيكان دبیت، و ئهگهرى قى چهندي ژى يى دياركرى ژبو فهخرپى برنا ب گهلهك دويف كهتبيان ب سهرانسهرى ئوممهتان يان ژى پيغهمبهران، وئهللى فقهى ژى دبیتزن:

پيتفى يه ئهوى ژنى بخوازيت ئهوا بهرنياس بيت ب گهلهك بچيك بوونى، فيجا چ ژ وى بخو مروف دى زانيت ئهوا گهلهك بچيكان دبیت كو ئهگهر ژبهرى هينگى شويكربيت وهات بيته نياسين ب گهلهك بچيك بوونى، يان ب نيژيكين وى مروف بزانيت، وهكو دهيك وى و خوشكا وى، ئهشه ئهگهر ئهوى ژبهرى هينگى شوى نهكربيت .



پاشى ئەرئ چ پالدەر ههيه بو سنورداركرنا دوويندهئ؟

ئەرئ ئەو ژ ترسا بهرتهگفينا رزقى يه؟

يان ژى ژ ترسا وهستيانا ب پەروەردەكرنئ شهيه؟

ئەگەر ژبەر يا ئيكي بيت؛ ئەفە هزرين خرابن ب خودئ تەعالا، چنكو خودئ

تەعالا دەمئ چيكرهكئ چيدكهت ئيللا رزقئ وى دئ دەت، خودئ تەعالا

ديئزيت : ﴿ وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا ﴾ سورة هود

پامان :

"نينه هەر تشتهكئ لسەر عەردى ب رېفە دچيت ئيللا خودئ تەعالا رزقئ

وى ددەت"

وخودئ تەعالا ديئزيت : ﴿ وَكَأَيِّنْ مِنْ دَابَّةٍ لَا تَحْمِلُ رِزْقَهَا اللَّهُ يَرْزُقُهَا وَإِيَّاكُمْ وَهُوَ السَّمِيعُ

الْعَلِيمُ ﴾ سورة العنكبوت

پامان : " وچەند حەيوان هەنە لسەر عەردى ب رېفە دچن رزقئ خو بو رۆژا

دى نا هەلگرن، خودئ رزقئ وان ددەت وەكو رزقئ وە ددەت، وئەو

گوهديرئ پر زانا"

وخودئ تەعالا ددەربارەى وان كەسان دا ديئزيت ئەوين بچيكنئ خو ژ ترسيئن

فەقيريئ دا دكوژن ﴿ تَخُنُّ نَرِّزُقَهُمْ وَإِيَّاكُمْ ﴾ سورة الإسراء

پامان : " ئەم رزقئ وە و يئ وان ددەين"

وئەگەر پالدەر بو سنورداركرنا دوويندهئ



ترسانا ژ وهستیانا ب پوره‌رده‌کرنئ بیت؛ ئەف چهنده ژى یا خه‌له‌ته، ئەرئ چهنده هژمارین کیم ههنه ژ بچیکان ئەوان ده‌یباين خۆ گه‌لهک یین وه‌ستاندين ب پوره‌رده‌کرنئ شه، وچهنده هژماره‌کا زیده‌یا بچیکان ههنه پوره‌ده‌کرنا وان گه‌لهک بسانه‌هتر بوویه ژ پوره‌رده‌کرنا یین دبن وان دا.

زفرین د پوره‌رده‌کرنئ دا ژبو بابه‌تئ زه‌مه‌تئ وسانه‌هاتئ یئ راوه‌ستیايه لسهر بسانه‌هیکرنا خودئ ته‌عالا، هندی عهد پتر ته‌قوا خودئ بکه‌ت ولسهر ریکین دروست بچیت؛ خودئ ته‌عالا دئ کارین وی لهر سه‌هل که‌ت، خودئ

ته‌عالا دبیثیت : ﴿ وَمَنْ يَتَّقِ اللَّهَ يَجْعَلْ لَهُ مِنْ أَمْرِهِ يُسْرًا ﴾ **سورة الطلاق**
رامان :

"وههر که‌سه‌کئ ژ خودئ بترسیت وکاری ب فه‌رمانا وی بکه‌ت، خودئ دئ کارین وی بو وی ب سانه‌ی که‌ت"

وئه‌گهر دیار بوو کو سنوردارکرنا دووینده‌هئ دژی یا دروسته، ئەرئ ریکخستنا دووینده‌هئ (**تنظیم النسل**) لسهر رویه‌کئ گونجای بو حالی ده‌یکئ ژفئ چهنده‌ئ یه؟
به‌رسف : **نه‌خیر** .

ریکخستنا دووینده‌هئ لسهر رویه‌کئ گونجای بو حالی ده‌یکئ نه ژ سنوردارکرنا دووینده‌هئ یه د چ تشتی دا.

ومهرما من ژ ریکخستنا دووینده‌هئ ئەوه کو ژن ومیر یان ژى ئیک ژ وان ریکه‌کا مه‌نعکرنا دووگیانیئ بکاربینن د دهمه‌کی دا نه ههمی دهما؛ ئەف چهنده یا دروسته، ئەگهر ههردوو ژن و میر رازیبوون، وه‌ک:



كۆ ژن يا لاواز بيت، و دووگيانى لاوازييا وئ زيده دكەت يان ژى نه خوشييا وئ، و ئەو گەلەك بحەمل دبیت، قیجا برازیبوونا زهلامى خو دئ شان حەبان ئەوین ژنى ژ دووگيانى مەنعە دكەت د دەمەكى دەسنیشانكرى دا بكارئینیت؛ چە دقئ چەندئ دا نینە، كۆ ھندی ھەقالین پیغەمبەرى بوون ﷺ ئەوان ئاف نه دكره د رەحمى دا(دبیژنى العزل) و نهیا وان ژ قئ چەندئ نه هاتەكرن، چنكو ھندی عەزلە ئیک ژ ئەگەرین نه چیبوونا دووگيانى یه ژ وئ چوونا نقىنى.



نافبرا ههشتئ

دهربارهئ نهوان شینوارین لدویف ژنئینانئ دا دهین

بدویف ژنئینانئ دا گهلهک شینوار دهین، ئەم دئ هندهک ژ وان بهحسکهین، لدویف ئەقا بهیت :

ئیک : واجبوونا مههرئ :

..مههر یا بنهجهه بو ژنئ بخاستنئ، قیجا وهکو ئیکه چ بیک مههرئ بکهته مهرج، یان ژئ بهحس نهکته ههر یا واجبه، مههر ژئ ئەو مالیه یئ کو دهیتته دان بو بویک ب ئەگهري گریبہستا ژنئینانئ.

قیجا ئەگهري مههر یا دەسنیشانکری بیت دئ ئەو بیت یا هاتیبه دەسنیشانکرنئ قیجا چ پیچەک بیت یان ژئ گهلهک بیت، و ژخو ئەگهري نه هاتیبه دەسنیشانکرنئ ههروهکئ گریبہست گریدا و مههر نهدايئ یان ژئ ناشئ مههرئ نه ئینات؛ ل وی دەمی یا لسەر زهلامی ئەو مههرا ژنئین وهکو وئ بدهت(مهر المثل)، کو ئەوه ئەوا لدویف عهدهتئ باژیری کو دهیتته دان بو ژنئین وهکی وئ.

و کا چاوا مههر دئ مال بیت (آي عینا)، ههروهسا دئ تشتهکئ مفا ژئ بیت (المنفعة)، ب راستی پیغهمبهري ﷺ ژنهک ل زهلامهکی مههکر لسەر هندئ کو ئەو هندهکئ ژ قورئانئ نیشا وئ ژنئ بدهت.

و یا دروست د مههرئ دا کو ئەو پیچەک بیت، قیجا هندی ئەو کیم و بساناھی بیت؛ ئەو یا چیتره، ئەفه ژئ وهکو چافلیکرن ب پیغهمبهري ﷺ، و



ژبو بدهستقه ئينانا بهر كهتې ژى، ژ بهر كو ژئينانا ژ هميان ب تېرخيتر ته وه
ته وا ژ هميان بسا ناهيتر بيت.
موسلم د صحيفا خو دا شه دگوهيژت "

« أن رجلا قال للنبي ﷺ: إني تزوجت امرأة. قال: "كم أصدقته؟" قال: أربع أواق (يعني مائة وستين درهما) فقال النبي ﷺ: "على أربع أواق كأنما نتحتون الفضة من عرض هذا الجبل، ما عندنا ما نعطيك، ولكن عسى أن نبعثك في بعث تصيب منه »

رامان : " زهلامه كۆ گوته پيغهمبهري ﷺ: من بو خو ژنهك يا خواستی،
پيغهمبهري ﷺ گوتې :
تهرې ته چند مههر دايې؟ گوت : چار تهواق - ئانكو سهدوو شيست
دهرهم .، پيغهمبهري ﷺ
گوت: ههچكو هوين زيفى ژ پهحناتيبا شى چياى چيدكهن(پيغهمبهري ﷺ) تهف
گوتنه گوتين ههروهكو نهرازيبوون ب گهلهك مههر خاستن).. "

و عمرى - رضي الله عنه - گوت : " لا تغلوا صدق النساء، فإنها لو كانت مكرمة في الدنيا، أو تقوى في الآخرة كان أولاكم بها النبي ﷺ، ما أصدق النبي ﷺ امرأة من نسائه، ولا أصدقت امرأة من بناته أكثر من اثنتي عشرة أوقية، والأوقية أربعون درهما".

رامان :

هوين گهلهك مههرې نهخازن، تهگه ر تهو قهدر و ريزگرتهك با د دونيايې دا
يان ژى تهقوايهك با ل تاخرهتې؛ پيغهمبهري ﷺ ژ وه تهولاتر بوو بو شى
چهندي، پيغهمبهري ﷺ مههرا چ ژنكيې خو ، و نهيا چ كچين خو ژ دووزده
تهوقيا پيغهمبهري ﷺ، وهه ر تهوقيهك ژى چل ده رههمن "



و براستی بلندبوونا مهرا د شان سالاندا شينوارين گهلهک خراب ههبوون د
مهنعکرنا بهرا پتر ژ خهکې ژ ژئينانې زهلام و ژنکا، هتا وهلې هاتي زهلام
چهندين سالآ دى شولکعت ژبهري مهري بدهست خوڤه بينيت، فيجا
چهندين خرابى ژ قى چهندي چيبوون، ژ وان :

١- ژ کارئيخستنا بهراپتر ژ زهلام و ژنان ژ ژئينانې.

٢- خودانين ئافرهتان وهلې هاتن سهحکهنه مهري ب پيچهکيا وى و
گهلهکيا وى، مههر لنک بهرا پتر ژ وان ئهوه چهندا مفای دبينن ژ زهلامى
بو کچا خو، فيجا ئهگهر مهرا وى يا گهلهک بيت دى کچا خو دهنى، ونا
سهحکهنه دووماهیکا شولى (کا دى چ بديف راهيت)، و ئهگهر مههر يا
پيچهک بيت دى وى زاقای زقرينن، خو ئهگهر ئهوه جهن رازيبوونى ژى بيت د
دينى خودا و رهوشتنى خودا.

٢- ئهگهر پهيوهندي دناف بهرا ژنى و ميړى دا خراب بوون، و مههر ژى ب
قى گران بها دبیت، ئهوه زهلام دهرهفتى نادهت نهفسا خو وى ژنى بباشى
بهردت، بهلې دى وى ئيشينيت و وهستينيت بهلکى ئهوه ژنه هندهک ژ وى
مهري بو وى بزقرينيت ئهوا وى دايى، بهلې ئهگهر پيچهک بيت دى ب
سههل بيت لسهر وى ژيکڤهبوونا وى.

بهلې ئهگهر خهکې ناڤنجيکرن د مهري دا، و هارکارييا ئيک و دووکرن
لسهر قى چهندي، وهندهک کهس رابوون بجه ئينيانا قى شولى؛ خيرهکا
زور دى ب سر کومهلگهه دا دى هيىت، وئاراميهکا مهزن، وپاراستنا بهرا
پتر ژ زهلام و ژنا.

بهلې پا جهن داخييه کو خهک يين ههفرکيى و لهزى دکهن دبلندبوونا
مههراندا، ودزيدهبوونا واندا، فيجا هر سال هندهک تشتان لى زيده دکهن



كو ژبهري هينگو نهبهرياس بوون، وئهم نزانين كا ئهقه ل كيش ئارمانجى دى بدووماهيك ئينن؟

وبراستى هندهك ژ خهلكى و بتايبهتى ئههلى گوندان هندهك ريك دگرتنهبر كو هندهك بساناھى ئيخستن تيدا بوو، ئهو ژى ئهو بو پاشئىخستنا هندهك ژ مھرئ، وهكو: كو كچا خو بدهتى ب مھرهكى نيغهكى ژى نوكه بدهتى، ونيقا دى دا پاشئىخت بو سالهكى يان كيتر يان پتر، وئف چهندا هنى ژى سفك دكهت لسهر زهلامى دهندهك دهماندا.

دوو : مهزاختن (النفقة):

يا لسهر زهلامى ئهوه ئهو ل ژنكا خو ب مهزخيت بباشى ودروستاھى، خارنى و شهخارنى وجلكى و خانى، ئهگر ئهو زهلام دتشتهكى دا قهلساتين بكهت وئهو تشته يى واجبه لسهر وى ئهو يى گوننهھكاره، و بو وى ژنى يى هھى تيرا خو ژمالى وى راکهت، يان ژى دى بو وى تشتهكى دهين كهت و دى دانا دهينى لسهر زهلامى لازم بيت.

• و ههر ژ مهزاختنى يه (نهفهقى يه) : .

الوليمة : [ئهوه ئهوا مالا زاڧاى چيدكهن ژ خارنى د روژين ژئينانې دا، وگازى خهلكى دكهن بو قى چهندي].

چيكرنا قى خارنى؛ يا سوننهته، ئهمر پى لمه يى هاتيهكرن، چنكو پيغهمبهرى ﷺ يا كرى، و ئهمر ژى ب چيكرنا وى يا كرى.

بهلى يا واجب د وهليمى دا خو دووير ئيخستنا ژ مهزاختنا ژ زيدهيى سنورييا حھرام (الإسراف)، ودقيت لدويف پيچبوونين زاڧاى بيت.



ئەمما ئەوا ھندەك ژ خەلكى دكەن ژ مەزاختنا (نەفەقە) ژ زېدەى سنورى چ ب چەندائىي بيت(الكمية) و چ ب چاوانىي قە (الكيفية)؛ ئەف چەندە چىنايىت، و يا ب دويف قىرا ژى دەيت مەزاختنا مالەكى زورە بى مفا.

سى : پىقەگرېدانا دنافبەرا زەلامى و ژنكا وى و نافبەرا ئەھلېن وان دا: خودى تەعالا دلوقانى و ھەژىكرن يى كرىبە دنافبەرا زەلامى و ژنكا وى دا، وئەھا ئەف پىقەگرېدانه چەند مافەكان واجب دكەت كو ئەون ئەوېن عورفییەن بدويف ژنئینانې دا دەيىن، قىجا ھندى پىقەگرېدان چىبىن؛ ھندى وان ماف واجب دبن.

چار: المَحْرَمِيَّة (٧) :-

ھندى زەلامە ئەو دىبىتە مەھرەم بو دەيكىن ژنكا خو (كو خەسىپن وى نە) و پىرېن وئ، و بچىتە دسەردا ژى، و دىبىتە مەھرەم بو كچىن ژنكا خو و كچىن كورپىن وئ، و كچىن كچىن وئ، و بچىتە خارتر ژى، ئەقە ئەگەر زەلامى ئەو ژن خاست و چو نقىنا وئ.

وھەر وھسا ژن ژى دىبىتە مەھرەم وئ؛ بابى زەلامى وئ (كوخەزىر وئ يە) و بچىتە دسەر دا ژى، و كوورپىن زەلامى و بچن خارتر ژى.

٧- وەرگىيىر :- المَحْرَم :

المَحْرَم من النساء والرجال: الذي يحرم التزوج به لرحمه وقرابته.

مەھرەم ژ ژن و مېران: ئەون يىن كو مەھر كرن دنافبەرا واندا ھەرام (ئانكو نابن ژن و مېرېن ئىك) ژ بەر مروقانى و نىزىكيان وان بو ئىك و دوو. (معجم الوسيط).



پېنج : ميرات :-

ھەر گاقھەکا کەسەکی گېرېبەست گرىدا لسەر ژنەكې ب خاستنەکا دروست؛
ل وئ دەمى ميراتگري دئ دنافبەرا واندا پەيدا بيت، ژبەر گوتنا خودئ

تەعالا : ﴿ **وَلَكُمْ نِصْفُ مَا تَرَكَ أَزْوَاجُكُمْ** ﴾ إلی قوله ﴿ **يُوصِيكُ بِهَا أَوْ دَيْنٍ** ﴾

النساء: ۱۲ (۸)

وئېجا چ جوداھى دناف بەرا ھندئ دا نینە زەلام چوو بیتە نئینا وئ ژنئ ژئ
يان ژئ نە چوو بیت و مابیتە بتنئ دگەلدا يان ژئ نە (ئانکۆ ھەر ميرات بو
ژنئ واجب دبیت).

۸- وەرگېر: دئ ئايەتئ دا بېرفرەھى بەحسئ ميراتگرييا دنافبەرا ژن و ميران دا يا ھاتیبەکرن.



ناقبراً نهى

دهربارهى حوكمى بهردانا ژنى وكا مروف دى چافديريا چ كهت تيدا

ژن بهردان : نهوه ژيکفه بوونا دناقبهرا ههقرينان دا چ ب گوتنى بيت يان ژى ب نقيسينى بيت يان ژى ب تاماژه کرنى بيت.

تهصل دژن بهردانى دا مهکروهه (**نهکرنا وى باشته**) چنکو ب وى نهوه بهرژه وهنديين ژنئينانې ژناف دچن يين ژ بهرى نوکه مه بهحسکرين، وب وى خيزان ژيکفه دبن، دحهديسى دا يا هاتى : " **أبغض الحلال عند الله الطلاق** " ضعفه الألباني.

پامان :- "نهقيانترين حلال لدهف خودى ژن بهردانه".

بهلى پا ژبهركو د هندهك حالهتان دا ژن بهردان دقيت بهيته نهجام دان؛ چ ژبهر ئيشاندنا مانا ژنى بيت دگهل زهلامى، يان ژى ئيشاندنا زهلامى بيت ب مانا دگهل ژنى، يان ژغهيرى قان ميرهمان ژى، قيچا ژ دلوقانييا خودى يه كو بو عهبدين خو تهف چهنده يا دروست كرى، و لسهر وان قهدهغه نهكريه كو نهو بكهفنه د نهخوشى وبهرتهنگيى دا.

نهگهر زهلامى ژنكا خو نهقيا وخو لبهر صهبرا لسهر وى نه گرت چنينه نهوه وى بهردهت، بهلى يا پيدفى يه نهوه چافديريا قان تشتين بهيت بكهت :

۱- نهوى بهرنهدهت ونهوه يا دحهيزى دا :

نهگهر وى نهوه بهردا ونهوه يا دحهيزى دا بيت تهفه وى بن نهمرىا خودى وپيغه مبهري وى كر، وكهفته دحهرامىي دا، و ل وى دهمى لسهر وى پيدفى يه نهوه وى ب زقرينيت وب هيلىته دهف خو هتا نهوه پاقر دبیت،



پاشى بلا وى بهردهت نهگەر وى شييا، يا باشتەر نهوه نهو وى ب هيټليت
هتا بو جارا دووى بکهفيتها د هيزى دا، و شيجا نهگەر نهو پاقر بوو نهگەر
وى شييا بلا بهيټيته دهف خو، و نهگەر شييا بلا بهردهت.

٢. و وى بهرنهدهت د پاقرئيهكى دا نهو چو بيته نشينا وى ئيلا نهگەر ديار
بوو يا بحملهيه:

نهگەر زهلامى کره دلى خو ژنکا خو بهردهت، و نهو يى چوويه نشينا وى
پشتى نهو ژ هيزى خلاص بووى، دقى حالتهى دا بلا نهوى بهرنهدهت هتا
دکهفيتها هيزى و پاشى پاقر دبیت خو نهگەر دهم يى دريژ رى بيت، شيجا
نهگەر پاقر بوو؛ شييا بلا بهردهت ژبهرى دهستى خو بکهتى، ئيلا نهگەر ديار
بوو حملى وى، يان يا بحمله بيت؛ چينه وى بهردهت، خودى تهعالا

ديبزييت : ﴿يَا أَيُّهَا النَّبِيُّ إِذَا طَلَقْتُمُ النِّسَاءَ فَطَلِقُوهُنَّ لِعَدَّتِهِنَّ﴾ سورة الطلاق:

رامان :

" نهى پيغهمبهر نهگەر ته وخودان باوهران شييا هوين ژنين خو بهردن
هوين ل دهمى پاقرئىي - و ژ بهرى چوونا نک وان- وان بهردن"

و ابن عباس رضي الله عنها گوت :

" لا يطلقها وهي حائض، ولا في طهر قد جامعها فيه، ولكن يتركها إذا حاضت
وطهرت طلقها تطليقة".

رامان : " بلا وى بهرنهدهت و نهو يا د هيزى دا بيت، و بلا وى بهرنهدهت
دياقرئيهكى دا نهو چووبيته نشينا وى، بهلى پا بلا وى بهيټليت نهگەر كهفته
دحيزى دا و پاقر بوو؛ بلا ئيك طهلاقى (بهردانى) بهردهت"



٢. و بلا ژ ئيک جاري پتر بهرنهدهت :

بلا نهبيژيتي تو يا بهردايي ب دوو طهلاقا (بهردانا)، يان تو يا بهردايي ب سي طهلاقا (بهردانا)، يان ژي تو يا بهردايي تو يا بهردايي تو يا بهردايي.

سي بهردان پيکفه حهرا من ژ بهر وى ئەوا ژ پيغهمبهرى ﷺ هاتييه فهگوهازتن، کو ئەوي د دهربارهي زهلامهکي دا گوت، ئەوي زهلامى ژنکا خو بهردابوو ب سي بهردانا پيکفه:

"أَيْلَعُ بِكِتَابِ اللَّهِ وَأَنَا بَيْنَ أَظْهُرِكُمْ؟" حَتَّى قَامَ رَجُلٌ، وَقَالَ: يَا رَسُولَ اللَّهِ، أَلَا أَقْتُلُهُ؟ (ضعفه الشيخ الألباني . رحمه الله . في سنن الترمذي).

گهلهک ژ خهلهک د ئەحکامين بهردانې دا يين نهزانن، فيجا ههرا گافهکا دلي وى چوو بهردانې دي بهردهت بي کو پويتهى بدهته دهمى يان ژي هژماري. يا واجب لسهرا عهبدى ئەو يين گريداي بن ب سنورين خودي تهعالا فه و

پيلى نهدانن و ژينهبوورن، خودي تهعالا دبيژيت : ﴿ وَمَنْ يَتَعَدَّ حُدُودَ اللَّهِ فَقَدْ ظَلَمَ

نَفْسَهُ ١ سورة الطلاق

رامان :

"وههرا كهسهکي پي ل سنورين خودي بدانيت ئەو وى زورداري ل نهفسا خو کر"

وخودي تهعالا دبيژيت : ﴿ وَمَنْ يَتَعَدَّ حُدُودَ اللَّهِ فَأُولَئِكَ هُمُ الظَّالِمُونَ ٢٣٩ سورة البقرة

رامان: "وههرا كهسهکي پي ل سنورين خودي ب دانيت ئەو ئەون يين زوردار"



نافبرا دهئ

دهرباره وئ چهندي ئهوا لدويف بهردانې دا دهئت

چنكو بهردان ئهوه ژيکفه بوونا ژ ژنې يه، ژ بهر هندی چهنه تشتهک لدويف قئ ژيکفه بوونيدا دهئن، ژ وان :

١. واجب بوونا خو گرتنا ل **عيددا** (٩) ئه گهر زهلام چوبهته نشينا ژنکا خو يان ژي دگهل ما بيته بتنئ:

ئهما ئه گهر بهرداييت ژ بهري بچيته نشينا وئ، و مابيهه بتنئ دگهل دا؛ ژن خو لعيددا ناگريت،

ژ بهر گوتنا خودئ تهعالا : ﴿يَا أَيُّهَا الَّذِينَ ءَامَنُوا إِذَا نَكَحْتُمُ الْمُؤْمِنَاتِ ثُمَّ طَلَقْتُمُوهُنَّ مِنْ قَبْلِ أَنْ

تَمْسُوهُنَّ فَمَا لَكُمْ عَلَيْهِنَّ مِنْ عِدَّةٍ تَعْتَدُونَهَا ﴿٤١﴾ سورة الأحزاب

رامان :

" ئهئ گهلي ئهوين وه باوهري ئينانين ئه گهر وه ژنهک ژ باوهرداران ل خو مههر کر وبهري هوين بچنه نشينا وان وه ئهو بهردان، وه چ عيدهه لسهر وان نينن"

٩- وه رگير:

زانا دبيژن: [العدة] عيدهه د **زمانئ عهره بينئ** دا ژ عهدهه يئ هاتيهه وه رگرتن، ئانكو: هژمار.

و د شهريعه تي دا ئهوه :

ئهوه دهميهه يئ كو ژن دهژمييريت ژ روژان دا خو تيدا بگريت و شوي نهكته پشتي نه مانا وئ دگهل ميړئ وئ، چ ژ بهر مرنا وي بيت، يان ژي ژ بهر بهردانئ بيت.



وعيدده ژى (خۆ گرتنا ل هاتنا) سىّ حەيزانە؛ ئەگەر ژ وان ئافرهتان بيت يىن
كوّ حەيز هەين.

و عيدده سىّ هەيشن؛ ئەگەر ژ وان ئافرهتان بيت يىن كوّ حەيز نەهەين.
(و عيددين يا بحەملە ژى) بەديناتنا حەملييه ئەگەر ئەو ژنە يا بحەملە بيت.

٢. حەرامبينا ژنى لسەر زهلامى ئەگەر ژبەرى وى بەردانى دووجارين دى
بەردابيت :

ئانكوّ ئەگەر ژنكا خۆ بەردابيت و پاشى زفرانديتە قە هيش د عيددان دا
بيت، يان ژى عيددين وى خلاس ببوون و لخۆ مەهرکر بيته قە، وپاشى بوّ
جارا دووى بەردابيتە قە و ديسان دعيددان دا زفرانديتە قە، يان ژى عيددين
وى خلاسببوون و لخۆ مەهرکر بيته قە، و پاشى بوّ جارا سىي بەردا قە؛
پشتى قى چەندى ئەو ژن بوّ قى زهلامى حەلال نابيت هەتا شوى ب
زهلامەكى دى دکەت شويکرهکا بدروستى (ئانكوّ چە حيله تيدا نەبن)، و ئەو
زهلامى دووى چووبيتە نشينا وى، پاشى ئەو زهلامى دووى دلى خۆ برە
بەردانا وى، ئەو پشتى قى چەندى ژ نوى حەلال دبیت بوّ يى زهلامى ئيکى
قە.

ژبەر گوتنا خودى تەعالا : ﴿الطَّلُقُ مَرَّتَانٍ فَإِمْسَاكٌ بِمَعْرُوفٍ أَوْ تَسْرِيحٌ بِإِحْسَانٍ﴾
هەتا گوتى :

[فَإِنْ طَلَّقَهَا : ئانكوّ بوّ جارا سىي ﴿فَإِنْ طَلَّقَهَا فَلَا تَحِلُّ لَهُ مِنْ بَعْدِ حَتَّى تَنْكِحَ زَوْجًا غَيْرَهُ﴾

فَإِنْ طَلَّقَهَا : ئانكوّ ئەگەر زهلامى دووى ئەو بەردا] ﴿فَلَا جُنَاحَ عَلَيْهِمَا أَنْ يَتَرَاجَعَا﴾ :

ئانكوّ بوّ زهلامى ئيکى دروستە ژنكا خۆ بزفرينيت ﴿إِنْ ظَنَّا أَنْ يُقِيمَا حُدُودَ اللَّهِ وَتَلَكَ



و خودى تهعالا حهرام كر ژنك لسهر وى زهلامى سى جارا نهو بهرداى هتا شوى بزهلامهكى دى دكهت؛ چنكو هدى خهلك بوون د دهسپيكا ئيسلامى دا ژنكا خو بهردهن و پاشى دا زفرينهفه بلا هسكى چند جارا بهردا بيت زهلامهك ژ ژنكا خو توره بوو، گوته ژنكا خو :

نه نهز ته خودان دكهم و نه نهز ته بهرددهم، وژنكى ژى گوتى نهو چاوا؟
گوت: نهز دى ته بهرددهم نهگهر دهمى ته نيژيك بوو دى ته زفرينم، وپاشى ديسان دى ته بهرددهم نهگهر دهمى ته نيژيك بوو دى ته زفرينم، نهوى ژنى نهو چهنده لنك پيغهمبهري ﷺ گوت، خودى تهعالا نهف ئايهته ئيناته خار:
وهژمارا وان كره سى ، نهفه ژى وهكو رحم برن ب ژنان ژبه زوردارييا زهلامين وان ل وان دكهن.

نهى گهلى برايان :

چيدبيت مه گهلهك رستهين دريژر ئينابان لسهر نهحكامين ژنئينانې، بهلى ژبه ر قهدهرهكا ههژى بيت بى دريژكرنهكا پى بيزاربيين و كورتكرنهكا كيماسيى پى بكهشيتى.

وَأَسْأَلُ اللَّهَ تَعَالَى أَنْ يَنْفَعَ بِهَا، وَأَنْ يَجْعَلَ الْعَمَلَ خَالِصًا لِلَّهِ مُوَافِقًا لِمَرْضَاةِ اللَّهِ، وَأَنْ يَجْعَلَ مِنْ هَذِهِ الْأُمَّةِ جِيلًا عَالِمًا بِأَحْكَامِ اللَّهِ ، حَافِظًا لِحُدُودِ اللَّهِ، قَائِمًا بِأَمْرِ اللَّهِ ، هَادِيًا لِعِبَادِ اللَّهِ.

ربنا لا تزغ قلوبنا بعد إذ هديتنا، وهب لنا من لدنك رحمة ، إنك أنت الوهاب .

ربنا آتنا في الدنيا حسنة، وفي الآخرة حسنة، وقنا عذاب النار.. وصلى الله على نبينا محمد، وآله وصحبه وسلم.



لاپەر

بابەت

- ۴ پيشهكى
ناقبرائىكى
- ۷ دهربارهى رامانا نيكاحئ دزمانى و شهريعهتى دا
ناقبرائى دووئ
- ۸ دهربارهى حوكمئ نيكاحئ (ژئئينانئ)
ناقبرائى سىئ
- ۱۰ دهربارهى مهرجين نيكاحئ (ژئئينانئ)
ناقبرائى چارئ
- ۱۵ دهربارهى سالوخهتئين وئ ئافرهتئ كوئ ئهوا پيئتفى يه بخازى
ناقبرائى پينجئ
- ۱۸ دهربارهى ئهوان ژنان يين كوئ بو مروفى حرامن خاستنا وان
ناقبرائى شهشئ
- ۲۸ دهربارهى هژمارا حلال د ژئئينانئ دا
ناقبرائى هفتهئ
- ۳۱ دهربارهى حيكمهتئين ژئئينانئ
ناقبرائى ههشتئ
- ۳۸ دهربارهى ئهوان شينوارين لدويف ژئئينانئ دا دهين
ناقبرائى نههئ
- ۴۴ دهربارهى حوكمئ بهردانا ژنئ و كا مروف دئ چاقديريا چا كهت تيدا
ناقبرائى دههئ
- ۴۷ دهربارهى وئ چهندئ ئهوا لدويف بهردانئ دا دهيت
ناقبرائى دههئ